

www.BibleForChildren.org

Mátiyu 26



Dini ghi n:ii ngê
Tp:ee Kaa
W:êêw:êê u Naa
ndîî nê wámê, Yesu u
k:ii Petani nmî lee dniye,
Lasadas kwéli doo a ya, pini
n:ii Yesu ngê kpêênî a pyidu
ngê.



U mbwó Méli
ngê mbwááni n:ii
tuu mb:aa pód:a
ngma a núwo,
yi mbwááni u
pywuu pââ ndîî, u
pi naadî. A ngêêdî,
komo puwâ, Yesu
mbêmê knî ngma a pii ngê,
yu dê u ngwo mye ghêê doo,
chóó u mbodo gh:aa dmi
ngê yu dê u ngwo mê
pyi doo. Yi tpile tuu
mb:aa ngê ngomo kó a ngêêdî.



Yesu u dyépi y:a mêt miyó knî yi vy:o pi ngmêdoo kwo,
u pi Njudas, Kédiyót pi. Yi Njudas kpêê yiyé pyu yoo
yi kada pini knî ye loo, yepê, Yesu
u vye u yi nmye a kwo. Yepê,
Kwódo ngê anî ghê.



Kada pini knî y:oo dini ghi n:ii ngê ny:ee ngópu, yi gha
dmi mb:aamb:aa ngê pyodo, Njudas ka kwo, Wanmî yi,
u ye ndapî nga anmo kê. Wod:oo
Njudas ngê dye ghi doo y:enê,
apê, Yesu kwódo ngê wu dini
ghi ngê anî ghê.



Wod:oo kada a y:ee ngópu,
Njedusalem lee knopwo, kópuni
Yesu ngê ye vyu, yinté mî d:uu
ngópu, yi nááli u nté yi ngomo
k:oo mî l:âmo ngópu. Dini ghi n:ii ngê
dnye kmaapî, Yesu ngê mbîdédi a
ngêêdî, Chóó Lémi kwuno ngê, puwâ,
p:uu ndiye pyu knî ye y:ângo, yepê,
Ala a chóóchóó, nê.



U kuwó dini ghi ngê kapî a y:ângo,
wain k:oo a pii ngê, kumu mbee
ngê, Chóó Lémi kwuno ngê, p:uu
ndiye pyu knî ye mye y:ângo,
yepê, Nmyo yintómu nda yó.
Yepê, Ala a wêê. Yepê, Pi yilî yi
dono chedêchedê u l:êê dîy:o,
wêê a p:uu wa pwii. Yepê, Yi
wêê ngê Chóó Lémi ka pi
yilî wa a kââdî.



Yesu ngê Pita ka kwo, Saimon. Kwo, Ala kópu ngî nyeni. Kwo, Setan ngê wunê kêda ch:ee nmyo, u yi u ngwo a kwo, Nê tókó té. Kwo, Ngmênê l:êê dîy:o kîn:aa ngêpê yédi, k:omo tpile nyinê wópuwópu nê, ngmênê ngêlîmî a ka d:ud:umbiy:e chedê ngê daawa pyódu. Kwo, Dini ghi n:ii ngê a ka amênyinê tpélimbiy:e, mwó yoo dpî wêdêwêdê kalê té, yi kêlîmî ndîi ngê dpî pyódu ngi.




Pita ngê kwo, A Lémi, daanê wópu ngi. Kwo, K:omo
tpile mbwa k:oo wa km:êê ngi, a k:ii amy:ii kee knî,
k:omo tpile l:êê dîy:o wa vya nê, myedaanê wópu ngi.
Yesu ngê kwo, Pita. Kwo, Ndê kópu nga ngmên:aa
tpapê. Kwo, Kêmkê m ghêlî k:ii daawa kââ, pyolo nyinê
wópuwópu nê, pi knî ye ala kópu nye tpapê, yenye, Ye
pini daa a lama pini.




U kuwó dini ghi ngê Yesu,
p:uu ndiye pyu knî yi k:ii,
ghi ngmê lee dniye, u pi
Nketsemane. Yesu ngê
yepê, Al:ii dmyinê ya,
mwi nîmo ngêpê. Kwo,
Tpile yilî yintómu nga u
ntââ. Kwo, U ntââ ala
dono u mbwaa daanî nda?
Kwo, Ngmênê ngwépi daanî
puwâ. Kwo, K:omo tpile ala
kópu u ya a nga daa kwo,
ngmênê a nga dpî d:uu
ngi, mu kópu u dîy:o
a kada nye tóó.




Wod:oo Njudas ngê yi mgîdî ngê y:i a pyw:ee nmoo.
Yoo ngmê yi kada doo kwo. Yi yéli yi vy:o Lóma lede
yilî doo kwo, Chóó Lémi u ngomo t:âât:ââ pyu
yoo yi vy:o myednye kwo. Kpêê yiyé pyu
yoo yi kada pini yoo, Pádisi yoo yi
k:ii yi yéli y:oo a dy:ââ tumo.
Yi kaa taa a núw:o tumo,
yi pywápê dmi yi lam dé
myedê núw:o tumo,
nmo u ngwo a lee dniye.



Wod:oo ngmê ngê u taa a ngêêdî, apê, Lede yoo nî vya
té, apê, ngmê mbwámê nê chápwo, ngmênê kn:aadi
ngê, u wéni pee ngwene ngópu. Yi lede kpêê
yiyé pyu yoo yi kada pini u dpodo pyu ngmê.
Ngmênê Yesu ngê yepê, Yi p:uu l:êê
munto, wod:oo yi lede
ngwene mê kââ.




Dini ghi n:ii ngê Yesu mgîmî ngópu, kpêê yiyé pyu yoo
yi kada pini ndîi u ngomo k:oo núw:o ngópu, u kóté
kîgha u l:êê dîy:o. Pita ngê doo yâmuyâmu dé,
tumutumu yi kuwó doo a
kwo, daa chono doo a paa,
wod:oo yi ngomo mbwa
kalê ngmê k:oo myimî kee
wo. Nkuwo u l:êê dîy:o
ndyuw:e ndîi y:i
ngmê kpê ngópu,
Pita u k:ii ndoo
chedê yaa dniye.



Pita ngê pini n:ii ngwene
ngópu, yi pini u mbwó
kada pini u dpodo pyu
ngmê, ndoo chedê
myedoo ya, Pita ka kwo,
Ndoo apê nyi vyîlo, wu pini
p:uu myângo vy:o kîdî m:uu
ngi. Pita ngê mêtê wópu ngê,
wod:oo kêmkêm ka wo.



Yesu yi ngwo Pita ka diyé
wo, doo y:enê, wod:oo
Pita ngê nmî Lémi u
kópu mē nuw:o kwólu,
apê, Ala kópu a ka moda
vyi, Kêmkê m ghêlî k:ii
daawa kêâ, pyolo nyinê
wópuwópu nê, wod:oo
Pita u gha d:ud:umbiy:e dyênê
wo, kuwa pwii wo, y:i
doon:aa mbê.




Kada pini yintómu yi ngwo a ghêêdî
dniye, Lóma lede yoo yi kada pini
ndî Paléti ka Yesu núw:o ngópu,
Paléti ngê p:oo ngê, kwo, Mumdo
nyi Nju tpémi yi king? Yesu ngê
kwo, Nyóó kîchi vyi.
Paléti ngê u yi doo kwo,
Yesu nî pw:ii, wod:oo pi
knî ye mbwolo, yepê, Kêle.
Yepê, Yesu vyîlo yinî

pw:iipw:ii, ngmênê pi knî y:oo
dpodombiy:e kwo, Kîdosi ñedê

t:ee ngi. Kwo, Pw:oo we,
daadî ya.




Wod:oo Paléti ngê lede knî ye
yepê, Yesu núw:o yó, kîdosi
nedê nyi t:ee yó. Lóma lede knî
y:oo Yesu núw:o ngópu,
Njedusalem a kuwo ngópu, ghi
ngmê núw:o ngópu, yi ghi u pi
Mbodo Dînê. (Nju tpémi yi
dnye ngê Nkolkota.) Maa p:uu
Yesu ngê u kîdosi chóó doo
dnyinêdnyinê.



Yi mbwini mbêmê Yesu kîdosi ñedê mî
t:ee ngópu, pi u nkîgh:ê mê miyó kîdosi
ñedê t:ee dumo, u wéni pee ngmê
t:ee ngópu, u t:anê pee ngmê
t:ee ngópu, Yesu yi
kêlî ghê kîdosi
ñedê doo ya.



Yi dini ghi ngê Chóó Lémi u ngomo k:oo kpîdî ndîi n:ii
doo ya, yi kpîdî ngê yoo yi maa dpîmo nkokonkoko, apê,
Chóó Lémi u yâpwo ghi k:oo daapaa nî dniye. Yesu
kîdosi ñedê dini ghi n:ii ngê pwene,
wod:oo yi kpîdî chóó mîné chaa wo,
châpwochâpwo ngê nkwodo a
yaa wo, knâpwo dî. Yesu
kîdosi ñedê modoo ya, u mî
ka dpodombiy:e ka wo, kwo,
M:aa, a ghê dmi nga
d:a kê, a ngini. Yi
kópu yi vyu,
wod:oo pwene.



Yi pini Nju tpémi y:oo dnyimo
chââchââ, yi kada pini knî yi vy:o
dpîmo kwo. Yi pini ngê apu,
Chóó Lémi ngê nmî y:enê
kn:ââ lîmî k:ii ngê paa
chaa ngê. U gha vy:o
apê, Awêde Pîdade,
mââ nmî lîme wo.
Apê, Yi kópu u
l:êê

dîy:o kââdî ghêlî
kîngî ghîî, Yesu ntóó
mwiyé nî kmênê.
Wod:oo u nkîngê
kuwa a kuwo ngê,
Paléti ka loo, Yesu
ntóó u kwo mîné
ch:ee ngê.



Wod:oo Njósép adî lê, kpîdî mb:aa
ngmê pwila ngê, Yesu ntóó kîdosi
nedê a ngópu, yi kpîdî ngê a
kmongo ngê, ntóó ñuwo,
kpomo u mênê mî yó,
chêêpî ndîi yi kpomo
t:âmo ngmê tpiyé
wupu kwólu, u ngwo
nkoko ngê.

Yi kpomo pi knî
y:oo t:aanî paa
mwiyé ché ngópu,
pi ntóó kmênêkmênê
u l:êê dîy:o.



Womumo mw:aandiye, Sátîdé ngê,
kpêê yiyé pyu yoo yi kada
pini yoo, Pádisi yoo yi
k:ii, Paléti ka lee dniye,
kwo, Nmî lémi,
k:omodanê pyu n:ii ma
nmyi vya ngmê, u
kópu dyuu ngma
até dp:o nuw:o
kwolo.



Kwo, Pi knî ye ala kópu dpîmo tpapê,
yipu, Wa vya nê, wo pyile amî lê,
u ngwo amênê pyidu.

Wod:oo Paléti ngê lede
knî yi p:uu ngmê t:ângo,
kpomo chedê nipi lee
dniye.



Chêêpîni kpomo t:âmo doo kwo, yi
chââ u l:ii p:uu t:ee ngópu, noko
yepê, Pi ngmê ngê wa
kpêmî knomomê, u ngwo
anmo w:ee. Yed:oo yi
lede yoo a kuwo tumo,
yepê, Mb:aamb:aa
ngê dmyinê vwuwo,
kî kpomo u mênê

pi


kîngmê kee.



Sandé mw:aa mgîdî vy:o, Méli
Makîdala pyââ, u pénta Méli k:ii,
kpomo chedê lee knopwo,
Yesu kwéli kmênê ngópu.

Yi taa knopwo, têpê
dpodombiy:e doo
ghêdê, nmî Lémi u
enjel ngmê mbóó
p:uu a ndê wo,

chêêpîni kpomo
t:âmo doo kwo,
tpiyé wupu kwólu,
mbêmê yaa wo.



Lede n:ii knî y:oo kpomo
dnye y:enê, nkîngê ngê
y:ay:a pwiyé dniye,
mbwee ntóó k:ii
pyaa dniye.



Enjel ngê yi pyópu dê ye yepê, Namê
nkîngê. Yepê, A lama ka tóó, Yesu
ka dpo vyuwo mo, pini n:ii
kîdosi ñedê t:ee ngópu.

Yepê, Al:ii daa tóó.

Yepê, Kêda pyidu.

Yepê, A pwiyé cho,
ntóó kwéli yé
ngópu, yi ghi

anyi m:uu nyoo.



Wod:oo yi pyópu dê y:oo lîmîlîmî
ngê kpomo a kuwo ngópu. Dpîmo
nkîngê, ngmênê w:aa myedê
pyw:ee ngópu. Mbêpê a pwaa
ngópu, apê, P:uu ndiye pyu knî
ye mdoo nyi núw:o.



Maa p:uu Yesu a pyódu ngópu, yepê,
Mw:ââkó dp:o. U kwo lee knopwo,
yu km:ee dyimê knopwo, yu dê
dpîmo tpyé dê.



U kuwó dini ghi ngê Yesu p:uu ndiye pyu y:a mê ngmê
knî y:oo kmaapî têdê Yesu u nkwo m:uu ngópu,
chóochóó ye a kêma ngê. Ye nod:e wo, mu kópu u dîy:o
k:omo tpile u pyidepyide p:uu daa ng:êêntómu ye doo
a danêmbum, ngmênê dêdnye kêlîmî, pini n:ii knî y:oo
Yesu m:uu ngópu, apê, Kêda pyidu, yi yéli ye myedaa
kêlîmî mbê dniye. U kuwó dini ghi ngê Yesu u Mî ka
kee wo, u che p:ââ pee ngê pyodo.



Dyámê mbêmê
tpémi yi nuu ghi dmi Chóó Lémi nódo
dnyinté daa tóó, wod:oo chóó Tp:oo mu
ngmidi nmo a kpo, mu kópu u dîy:o n:ii u
kwo adî kêlîmî, daawa dyênê, u nuw:o
kamî ngê wa pyódu, ghê kamî
wamyedê pyw:oo, ghéni n:ii
chedê ngê daawa
pyódu.



Lóma 3:23 Dp:oo u mo u mo dé, pi yintómu nmo dono dé,
dp:oo Chóó Lémi u pee dé, ngmênê Chóó Lémi ngê nmî
módó yeedeyeede nmo a kpo, Yesu Kédisu nmo a dy:ââ
ngê, dono vy:o yinê wunê pw:iipw:ii nmoo, u l:êê dîy:o
Chóó Lémi ka pi mb:aa ngê nmî pyaa dniye.

Lóma 6:23 Pini n:ii dono p:uu a dpodo, pwopwo u ngwo
wunê kmênêkmênê, ngmênê Chóó Lémi ngê nmî Lémi Yesu
Kédisu u k:ii nipi wunê kââdîkââdî nmoo, u módó
yeedeyeede mbêmê ghê kamî nmo wunê kuwo ngê, ghéni
n:ii chedê ngê daawa pyódu.

Hipîlu 9:27 Pi ng:êêntómu dpî pw:onu, u kuwó dini ghi
ngê Chóó Lémi ngê dpî kóté kwolo.



Epeso 2:8,9 Nyââ, nmî Mî ngê a yeede nmyoo, dini ghi
n:ii ngê Yesu Kédisu ka nmyi kêlîmî mbê dniye, kóó k:oo
kaa nmyoo. Daa kópuni nmyee a d:uud:uu dé yi l:êê
díy:o kóó k:oo kaa nmyoo, ngmênê Chóó Lémi ngê módó
a yeede nmyoo, doo u ntââ nmyi chóó nmyi pi dmi
daanmyi kmîmî dé.

Lóma 10:9,10 Nmyi gha vy:o ala kópu ka anmyi kêlîmî,
Chóó Lémi ngê Yesu kpêênî mêtê pyidu ngê, myenté pi
knî ye nmyi komo ngê amy:ee vyi ngmê, anye, Yesu nmî
Lémi, ye Chóó Lémi ngê kóó k:oo wa kaa nmyo. Nmî gha
vy:o Yesu ka anmî kêlîmî, ye Chóó Lémi ngê pi mb:aa ngê
wa pyódu nmo. Pi knî ye nmî komo ngê amy:oo vyi, yenmê,
Yesu nmî Lémi, ye nmî Mbwámê ngê wa ngee nmo, kóó
k:oo wa kaa nmo.



Njon 3:16,17 Dyámê mbêmê tpémi yi nuu ghi dmi Chóó Lémi nódo dnyinté daa tóó, wod:oo chóó Tp:oo mu ngmidi nmo a kpo, mu kópu u dîy:o n:ii u kwo adî kêlîmî, daawa dyênê, u nuw:o kamî ngê wa pyódu, ghê kamî wamyedê pyw:oo, ghéni n:ii chedê ngê daawa pyódu.

Chóó Lémi ngê Tp:oo daa nmî kpadakpada u l:êê dîy:o a dy:ââ ngê, ngmênê nmî Mbwámê ngê a pyódu ngê.

1 Njon 5:11-13 Yi kópu u nt:u kópu ala, Chóó Lémi ngê Tp:oo ka a kâadî nmoo, ghê kamî nmo a kpo, ghéni n:ii chedê ngê daawa pyódu. Pini n:ii u nuw:o Chóó Lémi Tp:oo p:uu a kwo, yi pini ngê ghê kamî dpo pyw:oo. Pini n:ii u nuw:o Chóó Lémi Tp:oo p:uu daa kwo, ghê kamî d:uudpo pyw:oo. A tîdê mbwó yoo, yi kópu dyuu nmye d:a d:êê, mu kópu u dîy:o Chóó Lémi Tp:oo ka nmye kêlîmî té. U ya a nga a kwo, Nmyi lama a yaa we, Ghê kamî wunê nmyinê pyw:ee ngópu, ghéni n:ii chedê ngê daawa pyódu.



Mátiyu 26-28; Luukî 22-24; Njon 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Yele NT (yle) © 1998, Wycliffe Bible Translators, Inc.
All rights reserved.

<https://live.bible.is/bible/YLEWBT/MAT/1>

©2025 Bible for Children, Inc.

www.M1914.org

www.bibleforchildren.org

